

Adroddiad ar gyfer:	Pwyllgor y Gwasanaethau Democrataidd
Dyddiad y Cyfarfod:	Chwefror 15, 2013
Aelod Arweiniol / Swyddog:	Pennaeth y Gwasanaethau Cyfreithiol a Democrataidd
Awdur yr Adroddiad:	Rheolwr y Gwasanaethau Democrataidd
Teitl:	Amserlen y Pwyllgor 2013 / 14

1. Beth mae'r adroddiad yn ymwneud ag o?

Mae'r adroddiad yn cynnwys amserlen ddrafft ar gyfer cyfarfodydd ym mlwyddyn y cyngor (Mai 2013 i Ebrill 2014 a dechrau'r flwyddyn ddilynol, Mai 2014). Mae Atodiad 1 yn cynnwys gwybodaeth amserlennu ar y pwyllgorau, atodiad 2 yn cyfeirio at ganlyniadau arolwg o gynghorwyr ac aelodau cyfetholedig ar amseriad a lleoliad cyfarfodydd, ac atodiad 3 ydi'r amserlen ddrafft.

2. Beth yw'r rheswm am wneud yr adroddiad yma?

Mae ar y Cyngor angen amserlen wedi'i chynllunio i gynnal y busnes a ymgwymerir gan ei wahanol bwyllgorau yn ystod y flwyddyn. Mae'r drafft atodol ar gyfer ystyriaeth gan aelodau cyn cadarnhau'r drafft terfynol gan y Cyngor Sir ym mis Ebrill.

3. Beth yw'r Argymhellion?

Bod Pwyllgor y Gwasanaethau Democrataidd yn ystyried y canlynol ac yn rhoi sylwadau:

- (i) amserlen ddrafft o gyfarfodydd pwyllgor
- (ii) amser priodol cyfarfodydd (yn seiliedig ar ymateb o'r arolwg aelodau ac aelodau cyfetholedig)

4. Manylion yr adroddiad

4.1 Nid oes unrhyw gyfarfodydd wedi eu trefnu ar gyfer gwyliau'r haf yn Awst. Mae hyn yn rhoi cyfle i aelodau gymryd gwyliau ac mae'n osgoi presenoldeb gwael a chyfarfodydd heb gworwm yn ystod y cyfnod yma. Fe anogir swyddogion sy'n cynorthwyo'r pwyllgorau i gymryd gwyliau hefyd yn ystod y cyfnod yma fel bod y lefelau cymorth mwyaf ar gael pan fydd y pwyllgorau'n eistedd. Eleni, fe adroddodd rhai swyddogion ei bod yn anodd paratoi ar gyfer cyfarfodydd a gynhaliwyd yn agos at y Nadolig neu ar ddechrau'r flwyddyn newydd (cynhyrchu adroddiadau etc.) gan fod nifer fawr o bobl yn cymryd gwyliau yn y cyfnod gwyliau mwyaf poblogaidd yma.

4.2 Mae'r amserlen ddrafft (atodiad 3) yn cynnwys cyfarfodydd ym Mai 2014, sy'n ddechrau amserlen y flwyddyn ddilynol. Mae hyn yn caniatáu dangos Cyfarfod Blyneddol y Cyngor.

Amseru Cyfarfodydd

4.3 Cynhaliwyd arolwg yn ystod ail hanner 2012 ar farn cynghorwyr ac aelodau cyfetholedig ar ba bryd ac ym mhle'r hoffen nhw gynnal eu cyfarfodydd. Roedd yr arolwg yn ofyniad Mesur Llywodraeth Leol (Cymru) 2011 ac mae'n orfodol ar y Cyngor i ystyried canlyniadau'r arolwg wrth gynllunio cyfarfodydd. Mae crynodeb o ganlyniadau'r arolwg yn atodol fel atodiad 2.

4.4 Yn seiliedig ar farn aelodau cynigir cadw'r gymysgedd bresennol o gyfarfodydd yn y bore gan fwyaf ond gyda rhai pwyllgorau neu banelau'n cyfarfod yn y prynhawn. Bydd y Cyngor yn trefnu nifer fechan o gyfarfodydd gyda'r nos (ar gyfer rhai Grwpiau Ardal Aelodau, er enghraifft). Byddai'r rhan fwyaf o gyfarfodydd yn cael eu cynnal yn Neuadd y Sir ond gellid trefnu rhai cyfarfodydd mewn lleoliadau eraill yn y sir.

5. Sut mae'r penderfyniad yn cyfrannu tuag at y Blaenoriaethau Corfforaethol?

Mae amserlen y pwyllgor yn caniatáu i'r prosesau democrataidd yn Sir Ddinbych gael eu trefnu a chyfrannu tuag at flaenoriaethau corfforaethol y Cyngor.

6. Beth fydd hyn yn ei gostio a sut fydd o'n effeithio ar wasanaethau eraill?

Mae costau cynnal system bwyllgor yn dod o fewn cyllidebau presennol. Gall gwasanaethau yn y Cyngor drwyddo draw gyfrannu tuag at y cyfarfodydd a gynhwysir yn yr amserlen, drwy gyfrannu gwybodaeth, adroddiadau ac amser swyddogion fel arfer.

7. Beth yw prif gasgliadau'r Asesiad Effaith Cydraddoldeb a gafwyd ar y penderfyniad? Dylid atodi'r AEC a gwblhawyd fel atodiad i'r adroddiad.

Mae'r amserlen flynyddol o gyfarfodydd yn broses sefydledig ac mae'n cyfarfod ag amcanion y Ddeddf Gydraddoldeb. Y prif 'ddefnyddwyr gwasanaeth' ydi aelodau'r pwyllgorau a'r swyddogion cynorthwyol. Er bod y wasg a'r cyhoedd hefyd yn gallu mynychu'r rhan fwyaf o gyfarfodydd mae buddiant unigolion neu grwpiau'n debygol o ddibynnu ar y testun dan sylw.

Cynhaliwyd arolwg diweddar o gynghorwyr ar amseriad a lleoliad cyfarfodydd ac mae'r canlyniadau wedi eu hystyried. Bydd y Cyngor yn defnyddio'r ystafelloedd cyfarfod mwyaf addas ble bynnag y bydd hynny'n bosib (o ran mynediad, parcio, cyfleusterau toiled, cludiant cyhoeddus).

8. Pa ymgynghoriadau a gafwyd gyda Chraffu ac eraill?

Fe ymgynghorwyd ag ystod eang o swyddogion sy'n ymglymedig â darparu cymorth a chynghor i'r pwyllgorau a ddangosir yn atodiad 1 ac fe ymgynghorwyd ag aelodau ar eu hoffterau ar gyfer amseriad a lleoliad cyfarfodydd.

9. Datganiad y Prif Swyddog Cyllid

I'w gwblhau cyn cyflwyno i'r Cyngor llawn.

10. Pa risgiau sydd yna ac a oes yna unrhyw beth y gallwn ei wneud i'w lleihau?

Bydd trefniadau gweinyddol i gynnal yr amserlen yn dechrau ar unwaith i osgoi'r risg y gallai oedi ei achosi gyda bwcio lleoliadau cyfarfod addas ac i roi'r amserlen ar gael i aelodau a swyddogion i ddibenion dyddiadur.

11. Grym i wneud y Penderfyniad

Adran 12 Deddf Llywodraeth Leol, 1972